



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Na osnovu članova 12 i 18. Zakona o udruženjima i fondacijama Bosne i Hercegovine ("Službeni glasnik BiH", broj 32/01, 42/03), i člana 35 Statuta Udruženja psihijatara u Bosni i Hercegovini, Generalna Skupština Udruženja psihijatara u Bosni i Hercegovini, na svojoj prvoj Redovnoj sjednici održanoj dana 15.10.2010. godine u Bihaću, donosi:

DOPUNJENI I IZMIJENJENI

STATUT

UDRUŽENJA PSIHIJATARA

U BOSNI I HERCEGOVINI

Član 1

Ovim Statutom uređuju se: naziv, sjedište i područje na kojem Udruženje djeluje, djelatnost Udruženja, svrha i programski ciljevi Udruženja, uslovi i način učlanjenja u Udruženje i prestanak članstva, kao i prava, dužnosti i odgovornosti članova Udruženja, upravni organi Udruženja, način njihovog izbora, uslovi i način opoziva, trajanje mandata, način odlučivanja i odgovornosti, način sticanja korištenja i raspolaganja sredstvima Udruženja, način donošenja odluke o prestanku rada Udruženja, javnost rada, način donošenja Statuta, izmjene i dopune Statuta, pečat i zastupanje i predstavljanje Udruženja.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 2

Udruženje psihijatara u Bosni i Hercegovini (u daljem tekstu: Udruženje) je dobrovoljna organizacija stručnjaka koji se bave psihijatrijom (doktora medicine specijalista psihijatrije i neuropsihijatrije i doktora medicine na specijalizacijama psihijatrije i neuropsihijatrije).

Udruženje se osniva radi organizovanog djelovanja na unaprijeđenju i popularizaciji medicinskih nauka, a kroz unaprijeđenje rada psihijatara.

Član 3

Udruženje ima svojstvo pravnog lica i upisuje se u Registar kod nadležnog Ministarstva u skladu sa Zakonom.

**I) NAZIV, SJEDIŠTE I PODRUČJE
DJELOVANJA UDRUŽENJA**

Član 4

Naziv Udruženja je:

UDRUŽENJE PSIHIJATARA U BOSNI HERCEGOVINI

UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

Član 5

Sjedište Udruženja je u ulici Bolnička 25, Sarajevo.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 6

Udruženje djeluje na cjelom području Bosne i Hercegovine i može otvarati svoje kancelarije izvan svog sjedišta na cijeloj teritoriji BiH u skladu sa Zakonom.

II) CILJEVI I DJELATNOSTI UDRUŽENJA

Član 7

Ciljevi i djelatnosti Udruženja su:

- praćenje razvoja i dostignuća psihijatrijske i srodnih nauka i upoznavanja članova s tim dostignućima u cilju unapređenja njihovih stručnih sposobnosti, stvaranja materijalnih uslova za naučno-istraživački rad na području psihijatrije i srodnih disciplina, razvijanja etičke svijesti-morala, odgovornosti i svijesti članova Udruženja u skladu sa Kodeksom etike zdravstvenih radnika Bosne i Hercegovine,
- razmjena iskustava sa odgovarajućim stručnim organizacijama i institucijama u svijetu i sa Svjetskom psihijatrijskom asocijacijom,
- stručna izdavačka djelatnost u svrhu informisanja svojih članova i cijele javnosti o razvoju psihijatrijske nauke i prakse,
- razmjena iskustava sa udruženjima psihijatrijskih bolesnika, njihovih porodica i drugih udruženja građana u zajednici u kojoj bolesnici žive, kao i saradnja sa sličnim organizacijama,
- vođenje precizne baze podataka.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

III) POSTUPAK ZA PRIMANJE I ISKLUČENJE IZ UDRUŽENJA

Član 8

Članstvo u Udruženju je dobrovoljno.

Član Udruženja može po pravilu biti svaki državljanin Bosne i Hercegovine.

Član 9

Članstvo u Udruženju stiče se učlanjenjem od dana upisa u Registar članova Udruženja, popunjavanjem Pristupnice i uplatom godišnje članarine.

Član 10

Svaki član Udruženja je obavezan platiti članarinu u visini koju odredi nadležni organ Udruženja/Udruge.

Članarina se uplaćuje jednokratno na godišnjem nivou.

Član 11

Udruženje donosi Odluku o visini članarine, na kraju svake kalendarske godine.

Ljekari na specijalizaciji iz psihijatrije ili neuropsihijatrije plaćaju redukovanu cijenu članarine za 50% od one donesene Odlukom o visini članarine. Svoj status potvrđuju odgovarajućom potvrdom iz matične zdravstvene kuće ili izdatom od strane mentora, jednokratno.

Počasni članovi Udruženja oslobođeni su uplate članarine u Udruženju.

Sa odlaskom u penziju, članovi Udruženja su oslobođeni uplate članarine Udruženju.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 12

Prava i dužnosti članova Udruženja su:

- da biraju i budu birani u organe Udruženja,
- da učestvuju u radu Udruženja,
- da razmatraju i ocjenjuju rad organa Udruženja,
- da pokreću pitanje odgovornosti i opoziva članova Udruženja,
- da budu blagovremeno informisani o radu Udruženja,
- da prisustvuju svim skupovima, da daju prijedloge, postavljaju pitanja i traže odgovore,
- da ostvaruju određena prava i pogodnosti u skladu sa Odlukama i drugim aktima Udruženja,
- da traže pomoć i podršku od Udruženja pri rješavanju socijalnih, zdravstvenih, obrazovnih i drugih pitanja,
- da uživaju povlastice koje Udruženje daje ili koje ostvaruje putem drugih organa i institucija,
- da se pridržavaju odredaba ovog Statuta,
- da aktivno učestvuju na ostvarivanju ciljeva i izvršavanja zadataka Udruženja,
- da čuvaju ugled Udruženja.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 13

Članovi u Udruženju su ravnopravni u ostvarivanju svojih prava.

Član 14

Članstvo u Udruženju prestaje:

- smrću člana,
- na osnovu pismenog obaviještenja,
- neplaćanjem članarine u predviđenom roku, a najkasnije 6 mjeseci,
- zbog narušavanja ugleda Udruženja, a prema odluci Upravnog odbora,
- ako član Udruženja izdržava zatvorsku kaznu dužu od šest mjeseci, ako je pokrenut istražni postupak, ako je određen pritvor zbog izvršenja krivičnog djela.

Član 15

Konačnu Odluku o isključenju iz Udruženja donosi Upravni odbor.

IV) ORGANI UDRUŽENJA/UDRUGE

Član 16

Organi Udruženja su:

- Skupština,
- Upravni odbor,
- Predsjednik i tri Potpredsjednika
- Generalni sekretari
- Nadzorni odbor,
- Komisije Udruženja,
- Sud časti Udruženja.

Najviši organ Udruženja/Udruge je Skupština.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 17

Skupština se sastaje po potrebi, a najmanje jednom godišnje. Saziva je Predsjednik Skupštine 15 dana prije njenog zasijedanja.

Predsjednik Skupštine je dužan sazvati Skupštinu u slučaju kada to zahtjeva najmanje $\frac{1}{3}$ (trećina) članova Skupštine ili kada to zatraži Upravni odbor.

Radom Skupštine rukovodi Predsjednik.

Mandat Predsjednika traje četiri godine sa mogućnošću reizbora.

Skupština radi i odlučuje na osnovu Poslovnika o radu. Poslovnik o radu se usvaja na prvoj redovnoj sjednici Skupštine.

Skupština punovažno odlučuje prostom većinom glasova prisutnih članova

Izjašnjavanje na sjednici Skupštine je javno.

Član 18

Skupština Udruženja:

- donosi Statut, izmjene i dopune Statuta i druga akta Udruženja/Udruge odredjena Statutom,
- odlučuje o pripajanju, razdvajanju, transformiranju, raspuštanju i prestanku rada, kao i o drugim statusnim izmjenama u Udruženju/Udrugi,
- imenuje i razriješava Predsjednika i tri Potpredsjednika Udruženja/Udruge
- imenuje i razriješava članove Upravnog odbora,
- imenuje i razriješava članove Nadzornog odbora,
- imenuje Komisije Udruženja,
- imenuje i razriješava članove Suda časti,
- usvaja izvještaje koje je pripremio Upravni odbor,
- usvaja godišnji Program i plan rada Udruženja/Udruge,



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

- usvaja finansijski plan Udruženja/Udruge
- usvaja završni račun Udruženja/Udruge,
- obavlja druge poslove i zadatke u skladu s Zakonom, ovim Statutom i drugim općim aktima Udruženja/Udruge.

Član 19

Skupština Udruženja vrši kontrolu:

- sprovođenja Statuta i drugih akata Udruženja,
- sprovođenje odluka Skupštine,
- sprovođenje programa i plana rada Udruženja,
- zakonitost u oblasti finansijskog i materijalnog poslovanja Udruženja,
- sprovođenje odluka, zaključaka i drugih akata Udruženja.

Član 20

Za vršenje određenih poslova Skupština može formirati i druga radna tijela, odbore, sekcije i sl.

Član 21

Upravni odbor je izvršni organ Skupštine Udruženja.

Upravni odbor ima jedanaest članova, koji se biraju iz reda članova Skupštine Udruženja.

Mandat članova Upravnog odbora traje četiri godine sa mogućnošću reizbora.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 22

Upravni odbor:

- priprema sjednice Skupštine,
- priprema nacrt Statuta i drugih akata koje donosi Skupština,
- provodi politiku, zaključke i druge Odluke koje je donijela Skupština,
- raspolaže imovinom Udruženja,
- podnosi godišnji ili periodični izvještaj o svom radu Skupštini na usvajanje,
- obrazuje Odbore i Komisije radi izvršavanja posebnih zadataka iz djelatnosti Udruženja,

- bira Generalne sekretare Udruženja,

- vrši i druge poslove određene Statutom.

Član 23

Upravni odbor radi u sjednicama na način utvrđen Poslovníkom o radu. Upravni odbor odlučuje punovažno ako sjednici prisustvuje više od polovine članova.

Odluke donosi većinom glasova ukupnog broja članova. U odsutnosti Predsjednika u svim pravima i dužnostima zamjenjuje ga Potpredsjednik, kojeg ovlašćuje Upravni odbor.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 24

Predsjednik i tri Potpredsjednika Udruženja obavljaju sledeće poslove:

- zastupaju i predstavljaju Udruženje u vršenju njegove djelatnosti u skladu sa Odlukama Skupštine,
- učestvuju u radu organa Udruženja,
- odgovaraju za zakonitost i poslovanje Udruženja,
- odgovaraju za finansijsko-materijalno poslovanje Udruženja Skupštini Udruženja,
- obavljaju druge poslove povjerene od strane Upravnog odbora utvrđene ovim Statutom i odlukama Skupštine Udruženja.

Član 25

Mandat Predsjednika i Potpredsjednika traje dvije godine s tim da se svake dvije godine rotiraju na mjestu Predsjednika i mogu biti nakon isteka mandata ponovo izabrani za Predsjednika i Potpredsjednike.

Član 26

Predsjednik i Potpredsjednici Udruženja mogu biti razriješeni i prije isteka vremena na koje su imenovani:

- na sopstveni zahtjev,
- ako pravilno ne obavlja poslove i zadatke Predsjednika Udruženja,
- u drugim slučajevima predviđenim Zakonom i ovim Statutom.

Inicijativu za razrješenje Predsjednika mogu dati Skupština i Upravni odbor .

Član 27

Skupština Udruženja bira Predsjednika Nadzornog odbora i dva člana Nadzornog odbora.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Predsjednik i članovi Nadzornog odbora biraju se na period od četiri godine sa pravom ponovog izbora.

Predsjednik Nadzornog odbora i članovi Nadzornog odbora mogu biti opozvani i prije isteka mandata na koji su birani i to u slučajevima:

- na sopstveni zahtijev,
- ukoliko ne dolaze na sjednice Nadzornog odbora tri puta uzastopno/uzastopce (bez opravdanih razloga),
- ako svojim radnjama u vezi sa radom Nadzornog odbora ruše ugled Udruženja/Udruge,
- u drugim slučajevima predviđenim Zakonom, ovim Statutom i aktima Udruženja/Udruge.

O opozivu Predsjednika Nadzornog odbora i člana Nadzornog odbora odlučuje Skupština Udruženja većinom glasova ukupnog broja članova Skupštine.

Član 28

Nadzorni odbor vrši kontrolu:

- sprovođenja Statuta i drugih akata Udruženja,
- sprovođenje odluka Skupštine i Izvršnog odbora Udruženja
- sprovođenje programa i plana rada Udruženja,
- zakonitost u oblasti finansijskog i materijalnog poslovanja Udruženja,
- sprovođenje odluka, zaključaka i drugih akata Udruženja.

Član 29

Generalni sekretari Udruženja obavljaju poslove i imaju ovlaštenja koja su regulisana Poslovníkom o radu Udruženja i drugim aktima.

Mandat Generalnih sekretara traje četiri godine sa mogućnošću ponovnog izbora.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 30

Radi obavljanja stručnih, finansijskih i administrativno-tehničkih poslova Upravni odbor može obrazovati, konsultirati ili unajmiti-angažovati odgovarajuću stručnu službu.

Predsjednik Udruženja može predložiti Upravnom odboru osobu ili stručnu službu za obavljanje finansijskih pitanja Udruženja/Udruge.

Međusobna prava i obaveze Udruženja i stručne službe regulišu se posebnim aktom.

Član 31

Sud časti Udruženja/Udruge je nezavistan organ Udruženja/Udruge, izabran od strane Skupštine Udruženja, koji utvrđuje povredu profesionalne dužnosti ili ugleda člana Udruženja/Udruge, putem sprovođenja odgovarajućeg postupka.

Sud časti Udruženja/Udruge čine Predsjednik i dva člana Suda časti Udruženja/Udruge.

Mandat Predsjednika i članova Suda časti traje četiri godine, sa mogućnosti ponovog izbora.

Sud časti može suditi samo članovima Udruženja/Udruge, na osnovu odgovarajućih zakonskih akata, Statuta Udruženja/Udruge i Pravilnika o radu Suda časti, a koji moraju biti usvojeni od strane Skupštine Udruženja/Udruge.

Sud časti Udruženja/Udruge za svoj rad odgovara Skupštini Udruženja/Udruge.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

V) SREDSTVA UDRUŽENJA, NAČIN KORIŠTENJA I KONTROLA

Član 32

Udruženje stiče sredstva od članarina, priloga, poklona, donacija i drugih izvora, u skladu sa Zakonom.

Član 33

Udruženje je dužno voditi poslovne knjige i sastavljati finansijske izvještaje prema propisima Bosne i Hercegovine.

Član 34

Za finansijsko-materijalno poslovanje Udruženja odgovoran je Predsjednik Udruženja, a za zakonitost sprovođenja istog Nadzorni odbor.

Član 35

O raspolaganju osnovnim sredstvima, pokriću gubitaka i otpisu nenaplativih potraživanja odlučuje Predsjedništvo Udruženja, a nadzor zakonitosti procedure navedenih aktivnosti vrši Nadzorni odbor.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

VI) JAVNOST RADA

Član 36

Rad Udruženja je javan.

Javnost rada ostvaruje se neposrednim informiranjem članstva, te javnosti putem sredstava javnog informisanja.

Za zastupanje Udruženja u javnosti nadležni su Predsjedništvo i Generalni sekretari Udruženja, odnosno osoba ili osobe koje ovlasti Predsjedništvo Udruženja.

Član 37

Članovi Udruženja moraju biti redovito i istinito informirani o radu Udruženja.

Za javnost rada odgovorni su Predsjednik i Potpredsjednici Udruženja.

VII) IZMJENE I DOPUNE STATUTA

Član 38

Skupština Udruženja je isključivo nadležna za promjene i dopune Statuta.

Skupština Udruženja je autentični tumač odredbi Statuta.

Član 39

Pokretanje procedure za izmjene i dopune Statuta mogu pokrenuti Upravni odbor, Predsjednik i Potpredsjednici Udruženja i $\frac{1}{3}$ (trećina) članova Skupštine.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Odluka o izmjeni Statuta se donosi dvotrećinskom većinom ukupnog broja članova prisutnih na Generalnoj Skupštini.

**VIII) OPIS, OBLIK, SADRŽAJ
KORIŠTENJE PEČATA
UDRUŽENJA/UDRUGE**

Član 40

Udruženje ima svoj pečat sledećih karakteristika: pečat Udruženja je okrugao, standardne veličine od 30 mm, sa natpisom *Udruženje psihijatara u Bosni i Hercegovini*.

Član 41

Pečat Udruženja se nalazi kod Predsjednika Udruženja ili osobe koju on privremeno ovlasti da drži i/ili koristi pečat Udruženja.

Član 42

Predsjednik Udruženja i/ili osoba koju on ovlasti da može rukovati pečatom Udruženja su odgovorni za njegovo korištenje i snose punu odgovornost za isti.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

IX) ZASTUPANJE UDRUŽENJA

Član 43

Predsjednik Udruženja zastupa i predstavlja Udruženje u vršenju njegove djelatnosti u skladu sa Odlukama Upravnog odbora.

X) STATUSNE PROMJENE UDRUŽENJA (*pripajanje, razdvajanje, transformacija ili raspuštanje, odnosno prestanak rada Udruženja*)

Član 44

Udruženje se može spojiti, razdvojiti ili transformirati samo u drugo udruženje ili fondaciju.

Član 45

Način spajanja ili razdvajanja, odnosno transformacije utvrđuje Skupština Udruženja prema predlogu Upravnog odbora.

Član 46

Odluke u pogledu statusnih promjena Udruženja, njegovo spajanje ili razdvajanje može donijeti Skupština ukoliko za Odluku glasa dvotrećinskom većinom od ukupnog broja članova prisutnih na Generalnoj skupštini.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Član 47

Odluku o raspuštanju Udruženja, može donijeti isključivo Skupština, ukoliko za Odluku glasa dvotrećinskom većinom od ukupnog broja članova prisutnih na Generalnoj skupštini.

XI) RASPOLAGANJE IMOVINOM I PREOSTALIM SREDSTVIMA UDRUŽENJA

Član 48

Skupština Udruženja donosi odluku dvotrećinskom većinom ukupnog broja članova prisutnih na Generalnoj skupštini o načinu raspolaganja imovinom i preostalim sredstvima Udruženja, s tim da se sredstva i imovina mogu dodijeliti isključivo registrovanom nevladinom subjektu.

Pri donošenju Odluke o raspuštanju, Skupština će posebnom Odlukom imenovati likvidatora u procesu likvidacije Udruženja i regulisati način raspodjele preostale imovine.

XII) POSEBNE ODREDBE

Član 49

Udruženje može obavljati nesrodne privredne djelatnosti (privredne djelatnosti koje nisu neposredno povezane sa ostvarivanjem osnovnih statutarnih ciljeva udruženja) samo preko posebno osnovane pravne osobe.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

Odluku iz prethodnog stava donosi Upravni odbor Udruženja.

Član 50

Udruženje ima svojstvo pravnog lica koje stiče upisom u Registar Udruženja koji se vodi kod nadležnog Ministarstva BiH.

Član 51

Udruženje za svoje obaveze odgovara cjelokupnom svojom imovinom.

Član 52

Udruženje će nastojati da razmjenjuje informacije sa evropskom mrežom sličnih društava i Svjetskom psihijatrijskom asocijacijom i to aktivnostima:

- evaluiranje postojećih organizacija,
- suodlučivanje u zajedničkim projektima i ostvarenjima programskih zadataka.

Član 53

Udruženje dodjeljuje priznanja i nagrade za dugogodišnji rad, posebne zasluge ili povodom značajnijih događaja. Priznanja i nagrade mogu se dodjeljivati aktivistima, saradnicima i radnicima Udruženja, organizacijama i ostalim zaslužnim građanima.

Udruženje dodjeljuje:

- zahvalnice,
- priznanja,
- nagrade,
- Plaketu Udruženja.

Za izuzetne doprinese u radu i funkcioniranju Udruženja, Udruženje može imenovati počasnog Predsjednika i počasne članove.



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA

XIII) PRELAZNE I ZAVRŠNE ODREDBE

Član 54

Dopunjeni i izmijenjeni Statut Udruženja stupa na snagu danom usvajanja na Generalnoj skupštini Udruženja predloženih Dopuna i izmjena Statuta Udruženja usvojenog na Osnivačkoj skupštini Udruženja.

Broj: 01/10

Bihać, 15.10.2010.

PREDSJEDNIK SKUPŠTINE:

Prof. dr sc Ismet Cerić



UDRUŽENJE/UDRUGA PSIHIJATARA U BOSNI I HERCEGOVINI
PSYCHIATRIC ASSOCIATION OF BOSNIA-HERZEGOVINA